



KEMENTERIAN PEMBANGUNAN WANITA,  
KELUARGA DAN MASYARAKAT

## KENYATAAN MEDIA

### **BAKUL PRIHATIN NEGARA: KEMENTERIAN PEMBANGUNAN WANITA, KELUARGA DAN MASYARAKAT PERLUAS SALURAN PERMOHONAN**

---

Hari ini bermulanya permohonan Bakul Prihatin Negara yang telah dilancarkan oleh YAB Perdana Menteri pada 15 Julai 2021. Bakul Prihatin Negara ini adalah hasil cetusan idea daripada YAB Perdana Menteri sendiri sebagai tindak balas proaktif terhadap senario yang dihadapi oleh rakyat yang terkesan akibat pandemik COVID-19.

Pelaksanaan Bakul Prihatin Negara merupakan nilai tambah kepada inisiatif Bantuan Bakul Makanan yang telah dilaksanakan oleh Kerajaan sebelum ini di bawah pakej Perlindungan Ekonomi dan Rakyat Malaysia (PERMAI) dan Pelan Perlindungan Rakyat dan Pemulihan Ekonomi (PEMULIH).

Sejak permohonan Bakul Prihatin Negara mula diumumkan, Jabatan Kebajikan Masyarakat (JKM) telah menerima pertanyaan dan permohonan yang sangat tinggi daripada pelbagai lapisan masyarakat. Menyedari situasi ini, maka pihak Kementerian Pembangunan Wanita, Keluarga dan Masyarakat (KPWKM) mengambil inisiatif menyediakan tiga (3) talian tambahan untuk meningkatkan akses dan capaian permohonan seperti berikut:

- (i) 03-8323 2176
- (ii) 03-8323 2177
- (iii) 03-8323 2178

Selain daripada penyediaan tiga (3) talian tambahan ini, KPWKM turut menyediakan medium permohonan alternatif melalui penggunaan *Google Form* yang boleh dilayari menerusi talian **aplikasi *WhatsApp* 017-3729702**.

**Kedua – dua saluran permohonan ini akan mula beroperasi pada pukul dua belas (12) tengah hari, 20 Julai 2021 (Selasa).**

Dalam hubungan ini, pemohon masih boleh mengemukakan permohonan menerusi saluran-saluran sedia ada seperti menghubungi Bilik Gerakan Jabatan Kebajikan Masyarakat di 108 daerah di seluruh negara, Talian Kasih 15999 atau Whatsapp ke 019-2615999 serta melalui Media Sosial Rasmi Kementerian.

KPWKM komited dalam pelaksanaan Bakul Prihatin Negara dan akan memastikan pemohon dapat disantuni segera.

**YB DATUK SERI RINA MOHD HARUN**  
**Menteri Pembangunan Wanita, Keluarga Dan Masyarakat**  
**20 Julai 2021**